



Broj: 16-12-16-3617-¹² /18
I. Sarajevo, ¹⁹⁻⁰⁷ 2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije I za nabavke za potrebe Državne agencije za istrage i zaštitu u 2018. godini, broj 16-12-16-3617/18 od 16.07.2018. godine, u postupku javne nabavke usluga krećenja prostorija za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača za LOT 1 i LOT 4 u otvorenom postupku za dostavljanje ponuda za javnu nabavku usluga krećenja prostorija za potrebe Državne agencije za istrage i zaštitu

Član 1.

Prihvata se preporuka Komisije I za nabavke za potrebe Državne agencije za istrage i zaštitu u 2018. godini broj 16-12-16-2-3617/18 od 16.07.2018. godine i ugovor za javnu nabavku usluga krećenja prostorija za potrebe Državne agencije za istrage i zaštitu dodjeljuje se:

- za LOT 1 - Nabavka usluga krećenja prostorija u sjedištu Državne agencije za istrage i zaštitu, ponuđaču „NEŠO“ s.p. Istočno Sarajevo, ponuda broj 16-12-16-3617-5/18 od 28.06.2018. godine, za ponudenu cijenu 54.800,00 KM, bez PDV-a;
- za LOT 4 - Nabavka usluga krećenja prostorija u Jedinici za specijalnu podršku, ponuđaču „NEŠO“ s.p. Istočno Sarajevo, ponuda broj 16-12-16-3617-4/16 od 28.06.2018. godine, za ponudenu cijenu 4.900,00 KM, bez PDV-a.

Član 2.

Ponuđač iz člana 1. ove odluke obavezan je ugovornom organu, u roku od pet dana od dana prijema ove odluke, dostaviti dokaz o ispunjavanju uslova iz tačke 13.2. Tenderske dokumentacije (original ili ovjerena kopija).

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu broj 16-12-16-3617-1/18 od 21.05.2018. godine pokrenut je postupak javne nabavke usluga krećenja prostorija za potrebe Državne agencije za istrage i zaštitu (u daljem tekstu: Agencija), putem otvorenog postupka za koji je obavještenje o nabavci broj 1161-1-2-244-3-43/18 objavljeno na Portalu Agencije za javne nabavke 07.06.2018. godine i u „Službenom glasniku BiH“, broj 40/18. Procijenjena vrijednost javne nabavke je 80.000,00 KM bez PDV-a, a za što su novčana sredstva obezbijedena u okviru budžetskih sredstava za 2018. godinu.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Predmet javne nabavke podijeljen je na LOT-ove:

- LOT 1 - Nabavka usluga krećenja prostorija u sjedištu Agencije, procijenjene vrijednosti 55.000,00 KM bez PDV-a;
- LOT 2 - Nabavka usluga krećenja prostorija Regionalne kancelarije u Banja Luci, procijenjene vrijednosti 10.000,00 KM bez PDV-a;
- LOT 3 - Nabavka usluga krećenja prostorija Regionalne kancelarije u Mostaru, procijenjene vrijednosti 10.000,00 KM bez PDV-a;
- LOT 4 - Nabavka usluga krećenja prostorija Jedinice za specijalnu podršku, procijenjene vrijednosti 5.000,00 KM bez PDV-a.

Obzirom da je tačkom 24. Tenderske dokumentacije navedeno da je rok za dostavljanje ponuda 28.06.2018. godine do 12,00 sati, te da se ponude dostavljaju u zatvorenoj koverti, Komisija je dana 28.06.2018. godine u 13,00 sati izvršila javno otvaranje ponuda prema datumu i vremenu prijema.

Blagovremeno su dostavljene ukupno četiri ponude i to:

Redni broj	Naziv ponuđača	LOT	Vrijednost ponude (bez PDV-a)
1.	„NEŠO“ s.p. Istočno Sarajevo	LOT 1	54.800,00 KM
2.	„NEŠO“ s.p. Istočno Sarajevo	LOT 4	4.900,00 KM
3.	„GALBOLS“ d.o.o. Sarajevo	LOT 1	51.500,00 KM
		LOT 4	4.800,00 KM
4.	S.Z.G.R. „KUĆA STIL“ s.p. Rogatica	LOT 1	44.750,00 KM
		LOT 4	4.100,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja prihvatljivosti dostavljenih ponuda u smislu Pravilnika, te njihove kvalifikovanosti shodno uslovima navedenim u Tenderskoj dokumentaciji.

Uvidom u sadržaj dostavljenih ponuda Komisija je utvrdila da ponuđač „NEŠO“ s.p. Istočno Sarajevo, ispunjava kvalifikacione uslove u pogledu njegove lične sposobnosti, sposobnosti obavljanja profesionalne djelatnosti, ekonomske i finansijske sposobnosti,

tehničke i profesionalne sposobnosti, kao i formalno-pravne uslove iz Tenderske dokumentacije, te da uživa preferencijalni tretman domaćeg.

Također, Komisija je utvrdila da ponuđač „GALBOLS“ d.o.o. Sarajevo ne ispunjava uslov iz tačke 14. Tenderske dokumentacije. Naime, tačkom 14. Tenderske dokumentacije traženo je između ostalog da ponuda mora biti čvrsto uvezana na način da se onemogući naknadno vađenje ili umetanje listova i čini jednu cjelinu, odnosno da svaki dio bude čvrsto uvezan na način da se onemogući naknadno vađenje ili umetanje listova, ako je ponuda izrađena u dva ili više dijelova. Uvidom u ponudu ponuđača „GALBOLS“ d.o.o. Sarajevo Komisija je utvrdila da ponuda navedenog ponuđača nije čvrsto uvezana na način da se onemogući naknadno vađenje ili umetanje listova. Uzimajući u obzir navedeno, Komisija nije dalje razmatrala niti vrednovala ponudu ponuđača „GALBOLS“ d.o.o. Sarajevo.

Komisija je utvrdila i da ponuđač S.Z.G.R. „KUĆA STIL“ s.p. Rogatica ne ispunjava uslov iz tačke 13.2. Tenderske dokumentacije - Ekonomska i finansijska sposobnost iz člana 47. Zakona. Naime, tačkom 13.2. Tenderske dokumentacije traženo je da se kao dokaz ispunjavanja ekonomske i finansijske sposobnosti uz izjavu o ispunjenosti uslova iz navedene tačke dostavi potvrda-izvještaj o računima pravne osobe iz Jedinog registra transakcijskih računa u Bosni i Hercegovini izdatu od strane Centralne banke Bosne i Hercegovine ili potvrdu/izvještaj izdatu od strane poslovne banke certificirane za izdavanje takvih potvrda isključivo na obrascu Centralne banke Bosne i Hercegovine, da računi nisu blokirani ili ekvivalentan dokument ako se radi o ponuđaču iz inostranstva. Uvidom u ponudu ponuđača S.Z.G.R. „KUĆA STIL“ s.p. Rogatica Komisija je utvrdila da navedeni ponuđač nije dostavio traženu potvrdu-izvještaj Centralne banke Bosne i Hercegovine o računima pravne osobe iz Jedinog registra transakcijskih računa u Bosni i Hercegovini, ili potvrdu/izvještaj izdatu od strane poslovne banke certificirane za izdavanje takvih potvrda isključivo na obrascu Centralne banke Bosne i Hercegovine, da računi ponuđača nisu blokirani, nego je dostavio Izvod iz jedinog registra računa poslovnih subjekata od 28.05.2018. godine, koji je izdala Agencija za posredničke, informatičke i finansijske usluge iz Banja Luke.

Uzimajući u obzir navedeno, Komisija nije dalje razmatrala niti vrednovala ponudu ponuđača S.Z.G.R. „KUĆA STIL“ s.p. Rogatica.

Tenderskom dokumentacijom je bilo predviđeno da se za navedeni postupak javne nabavke usluga krečenja prostorija za potrebe Agencije provodi e-aukcija. Komisija je utvrdila da za LOT 2 i LOT 3 u određenom krajnjem roku za dostavljanje ponuda nije dostavljena nijedna ponuda. Budući da je za LOT 1 i LOT 4 primljena po jedna prihvatljiva ponuda, to se u smislu člana 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) ne zakazuje provođenje e-aukcije, nego se postupak okončava u skladu sa članom 69. Zakona.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponudu kvalifikovanog ponuđača, primjenjujući kriterij najniže cijene iz tačke 21. Tenderske dokumentacije, te je sačinila rang listu, kako slijedi:

Redni broj	Naziv ponuđača	LOT	Vrijednost ponude (bez PDV-a)
1.	„NEŠO“ s.p. Istočno Sarajevo	LOT 1	54.800,00 KM
2.	„NEŠO“ s.p. Istočno Sarajevo	LOT 4	4.900,00 KM

Nakon provedenog postupka ocjenjivanja dostavljene ponude, Komisija je utvrdila da je ponuda ponuđača „NEŠO“ s.p. Istočno Sarajevo ocijenjena kao najpovoljnija za LOT 1 i LOT 4, da ista ne premašuju procijenjenu vrijednost javne nabavke, dok za LOT 2 i LOT 3 nije dostavljena nijedna ponuda.

Shodno navedenom, prihvaćen je prijedlog Komisije i odlučeno da se ugovor o javnoj nabavci usluga krečenja dodjeli za LOT 1 i LOT 4 ponuđaču „NEŠO“ s.p. Istočno Sarajevo, kako je navedeno u članu 1. ove odluke, te da se poništi postupak javne nabavke za LOT 2 i LOT 3, obzirom da nije dostavljena nijedna ponuda u određenom krajnjem roku, shodno članu 69. stav (2) tačka a) Zakona.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

